


**ФАЗО
МАЛИКАЛАРИ**

9-бетда



Ошла ва

Оила соғлом ва бахтли бўлса, бутун жамият барқарор ва фаровон бўлади.

Ислом КАРИМОВ

10 (1317)-сон 8 март 2017 йил

Газета 1991 йил 1 сентябрдан чиқа бошлаган

Жамият



ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ХАЛҚАРО ХОТИН-ҚИЗЛАР БАЙРАМИГА БАҒИШЛАНГАН УЧРАШУВДАГИ НУТҚИ

Ассалому алайкум, азиз опа-сингиллар!
Муҳтарам дўстлар!

Аввало, сиз, азизлар билан юртимизга баҳор нафаси кириб келаётган ёруғ кунларда, Халқаро хотин-қизлар байрами арафасида мана шу муҳташам кошонада учрашиб турганимдан гоят хурсандман.

Шу қўтлуғ айём – 8 март байрами билан сизларни, сизларнинг тимсолингизда бутун мамлакатимиз аёлларини, муҳтарам онахонларимиз, қадрли опа-сингилларимиз, гўзал қизларимизни чин қалбимдан муборакбод этиб, барчангизга ўзимнинг чуқур ҳурмат-эҳтиромим ва эзгу тилақларимни билдиришга ижозат бергайсиз.

Барчамиз учун азиз ва мўтабар бўлган аёл зоти ҳақида сўз юритар эканмиз, авваламбор, бизни дунёга келтирган, оқ сўт бериб вояга етказган Она сиймоси олдида бош эгиб таъзим қиламиз.

Ер юзиде муқаддас деган сўзга энг муносиб зот бу – аввало, Онадир. Халқимиз она сиймосини доимо улуғлаб, ардоқлаб яшайди. Юртимизда оналарни шарафлаб муҳташам ҳайкаллар бунёд этилгани ҳам шундан далолат беради.

Биз Она тимсолида Ватанимизни, унинг гўзал ва бетакрор қиёфасини кўраемиз. “Она Ватан” деган ибора бежиз айтилмаган, бунда чуқур маъно бор. Инсонни инсон қиладиган мана шундай юксак туйғу ва тушунчаларни болаларимиз қалбига ёшлигидан сингдирсак, шоирларимиз, рассомларимиз, санъаткорларимиз оналарни, аёлларни тараннум этадиган янги-янги асарлар яратсалар, нур устига нур бўлур эди.

Аёлни эъзозлаш, аёлга эҳтиром кўрсатиш халқимизга хос олижаноб қадрият ҳисобланади.

Биз, барчамиз қандай касб, қандай лавозимда ишламайлик, қалбимиз, юрагимиздаги жамики эзгу фазилатлар учун сиз, меҳрибон аёллардан умрбод қарздормиз.

Айниқса, сиз, азизларнинг соғлом зурриёд, барқамол авлодни тарбиялаб вояга етказишдаги ўрнингиз ва хизматингизни ҳеч нарса билан қиёслаб, баҳолаб бўлмайди.

Сизларнинг меҳр-муҳаббатингиз, вафо ва садоқатингиз, фидойилигингиз сабабли ҳаётимиз чароғон. Сизлар туфайли оилаларимизда тинчлик-осойишталик, қут-барака ҳукм сураётгани учун барчангизга ҳар қанча тасанно айтсак, арзийди, албатта.

Қадрли юртдошлар!

Бугунги кунда Ўзбекистон хотин-қизлари ҳаётимизнинг барча соҳа ва тармоқларида ўзларини тўла намоён этиб келмоқда.

Сизлар давлат ва бошқарув идоралари, вакиллик органларида, ишлаб чиқариш, тадбиркорлик ва фермерлик тармоқларида, ижтимоий соҳаларда самарали меҳнат қилиб, Ватанимиз тараққиётига муносиб ҳисса қўшмоқдасиз.

Бу ҳақиқатни халқимиз, жамиятимиз яхши биледи ва юксак қадрлайди.

Ҳозирги вақтда мамлакатимиз хотин-қизлари орасида 514 нафар фан доктори, 6 нафар академик, 15 нафар Ўзбекистон Қаҳрамони, 17 нафар сенатор, 15 нафар Қонунчилик палатаси депутати борлигини, шунингдек, маҳаллий Кенгашлар депутатларининг 23 фоизидан зиёдини айнан аёлларимиз ташкил этишини алоҳида таъкидлаш лозим.

Ўзбекистон Республикаси Президентининг қарори ЗУЛФИЯ НОМИДАГИ ДАВЛАТ МУКОФОТИ БИЛАН ТАҚДИРЛАШ ТЎҒРИСИДА

Мамлакатимизда мўтабар аёл зотиға муносиб ҳурмат-эҳтиром кўрсатиш, уларнинг жамиятимиздаги ўрни ва нуфузини ошириш, соғлом ва барқамол авлодни вояга етказиш, ўзининг иқтидори ва ибратли фаолияти билан ёшларга ўрнак бўлиб келаётган қизларни рағбатлантириш мақсадида ҳамда Ўзбекистон Республикаси Президентининг 1999 йил 10 июндаги «Зулфия номидаги Давлат мукофотини таъсис этиш бўйича таклифларни қўллаб-қувватлаш тўғрисида»ги Фармониға асосан:

1. Ўзбекистон Хотин-қизлар қўмитаси ҳузуридаги Зулфия номидаги Давлат мукофоти комиссиясининг Қорақалпоғистон Республикаси, вилоятлар ва Тошкент шаҳрининг иқтидорли қизларини аъло ҳулқи, ноёб истеъдоди, зукколиги, ташаббускорлиги, ўқишдаги муваффақиятлари ҳамда адабиёт, маданият, санъат, таълим ва спорт соҳаларидаги алоҳида ютуқлари учун Зулфия номидаги Давлат мукофоти билан тақдирлаш тўғрисидаги таклифлари иловадаги рўйхатға мувофиқ маъқуллансин.

2. Зулфия номидаги Давлат мукофоти бўйича кўзда тутилган 14 та мукофот ўрниға 2017 йил учун истисно тариқасида Қорақалпоғистон Республикасининг 2 нафар, вилоятлар ва Тошкент шаҳрининг 1 нафардан вакиларига – жами 15 та мукофот берилиши белгилансин.

3. Зулфия номидаги Давлат мукофоти билан тақдирланганларға 8 март – Халқаро хотин-қизлар байрамиға бағишлаб ўтказиладиган тантаналарда совриндорлик дипломлари ва кўкрак нишонлари топширилсин.

4. Ўзбекистон Республикаси Молия вазирлиги Зулфия номидаги Давлат мукофоти совриндорларининг ҳар бириға энг кам ойлик иш ҳақининг 50 баравари миқдорида пул мукофоти берилишини таъминласин.

5. Ўзбекистон Миллий телерадиокомпанияси ҳамда Ўзбекистон Миллий ахборот агентлигиға Зулфия номидаги Давлат мукофоти соҳибаларининг ибратли фаолияти, уларнинг ноёб истеъдоди ва эришган ютуқларини кенг ёритиб бориш тавсия этилсин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Т.Норбоева зиммасиға юклансин.

Ўзбекистон Республикаси
Президенти **Ш.МИРЗИЁЕВ**

Тошкент шаҳри,
2017 йил 3 март

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ХАЛҚАРО ХОТИН-ҚИЗЛАР БАЙРАМИГА БАҒИШЛАНГАН УЧРАШУВДАГИ НУТҚИ

(Давоми. Боши 1-бетда)

Ўнлаб опа-сингилларимиз “Ўзбекистон фан арбоби”, “Ўзбекистон халқ шоири”, “Ўзбекистон халқ ўқитувчиси”, “Ўзбекистон халқ артисти” сингари давлатимизнинг юксак фахрий унвонларига сазовор бўлганлар. Шулар қаторида 240 нафар ёш истеъдод эгаси Зулфия номидаги Давлат мукофоти билан тақдирланган ва уларнинг сафига бу йил яна 15 нафар иқтидорли қизимиз қўшилмоқда.

Биз бугун ўзининг фидокорона меҳнати, эришган улкан ютуқлари, давлат ва жамоат ишларидаги фаол иштироки, ибратли фазилатлари билан халқимиз ўртасида обрў-эътибор қозongan юзлаб опа-сингилларимизнинг номларини ҳурмат билан тилга оламиз.

Айниқса, Ўзбекистон Қаҳрамонлари, қишлоқ хўжалиги соҳаси фидойилари Халғачон Мирзаева, Патилахон Эргашева, Сиёсатхон Абдуллаева, маҳоратли педагоглар Манзура Мадалиева, Мавлуда Исмаилова, Вера Пак, Анора Махмудова, Муҳаббат Шаронова, атоқли навоийшун олимаси Суйима Ганиева, устоз шифокорлар Малика Абдуллаҳужаева, Ойшахон Қўқорова, Онесия Саитова, кўли гул хунармандлар Муяссар Темирова, Марья Раҳматова барчага ўрнатилган намуна бўлиб келмоқдалар.

Шулар қаторида таниқли академикларимиз Машҳура Мавлоний, Раъно Убайдуллаева, Сайёра Рашидова, Анна Глушенкова, Муҳаббат Абидова, Ўзбекистон халқ шоирлари Ойдин Ҳожиева, Ҳалима Худойбердиева, Энахон Сиддиқова, Ўзбекистон халқ артистлари Яйра Абдуллаева, Тўти Юсупова, Галина Мельникова, Муножот Йўлчиева, Гавҳар Зокирова сингари аёлларимиз халқимиз орасида маълум ва машҳурдирлар.

Миришкор фермер ва тадбиркорлар Лолахон Муродова, Рашида Ёдгорова, Дилфуза Мусаева, Сарвиноз Шокирова, Зулфия Очилова, Зебихон Рустамова, Райхон Раҳмонова, Анна Добрих, Зулхумор Эрматова, захматкаш устоз ва мураббийлар Агрепина Шин, Жамила Баймуратова, Валентина Недикова, Соҳира Исломова, Елена Кучеренко, Сайёра Умарова, жонқуяр маҳалла раислари ва маслаҳатчилари Гулбаҳор Султонова, Марҳамат Мақсудова, Бувинос Ҳамроева, Гулжаҳон Ибраимова, Феруза Ҳасанова, моҳир шифокорлар Феруза Эрматова, Дилоромхон Ташболтаева каби опа-сингилларимиз самарали меҳнат қилиб, бахт топган инсонлардир.

Ана шундай ҳурматли аёлларимизнинг кўпчилиги бугунги учрашувда иштирок этаётгани давраимизга янада файз бағишлаб турибди.

Бугунги кунда мамлакатимизда илм-фан, таълим-тарбия, соғлиқни сақлаш, маданият ва санъат соҳаларида меҳнат қилаётганларнинг 72 фоизи – шунга эътибор беринг, 72 фоизи – айнан хотин-қизлардир.

Маҳалла раислари ва фаолларининг аксарият қисмини аёллар ташкил этади. 8,5 мингдан ортиқ опа-сингилларимиз маҳаллаларда диний маърифат ва маънавий-ахлоқий тарбия масалалари бўйича маслаҳатчи сифатида фаол иш олиб бормоқдалар.

Ҳурматли дўстлар!

Барчамизга яхши маълум, ўтган йилгира беш йил мобайнида халқимиз ўта оғир синов ва машаққатларни, турли қийинчиликларни ениб, улкан ютуқ ва натижаларни кўлга киритди.

Бундай марраларга эришишда оилада, меҳнат жамоаларида, умуман, жамиятимизда энг катта бойлигимиз бўлган тинчлик ва барқарорлик, ўзаро ҳурмат, меҳр-оқибат муҳитини сақлаш ва мустақамлашда юртимиз хотин-қизларининг донолиги, сабр-қаноат ва

матонати, шукроналик, оилага садоқат каби ибратли хусусиятлари ҳал қилувчи аҳамиятга эга бўлди. Мана шундай олижаноб, ҳақиқатан ҳам буюк инсоний фазилатларининг учун сизларга яна бир бор ўз номидан, эл-юртимиз номидан чуқур миннатдорлик билдиришни ўзимнинг бурчим деб биламан.

Азиз опа-сингиллар!

Ер юзидаги ҳар қайси жамиятнинг маданий даражаси унинг аёлларга бўлган муносабати билан белгиланади.

Бу, албатта, исбот талаб қилмайдиган ҳақиқатдир.

Шунинг учун ҳам мустақилликнинг биринчи кунларидан бошлаб хотин-қизларнинг ҳуқуқ ва манфаатларини таъминлаш, улар учун муносиб меҳнат ва турмуш шароитини яратиб бериш, қобилият ва салоҳиятини рўёбга чиқариш масаласи юртимизда давлат сиёсати даражасига кўтарилди. Шу асосда оналик ва болаликни ҳимоялаш, оила институтини қўллаб-қувватлаш, аёлларнинг оғирини енгил қилиш, уларнинг жамият ҳаётидаги нуфузини ошириш борасида улкан ишлар амалга оширилди.

Бу ҳақда гапирганда, барчамиз Биринчи Президентимиз, муҳтарам Ислон Абдуғаниевич Каримовнинг аёл зотига, мамлакатимиз хотин-қизларига юксак ҳурмат, доимий эътибор ва ғамхўрлик кўрсатиб келганликларини бугун яна бир бор эслаймиз. У қилинган: **“Аёл бахтли бўлса, оила бахтли, оила бахтли бўлса, жамият мустақам”** деган чуқур маъноли сўзлари амалий ҳаракатларимизда қўлланма бўлиб келмоқда.

Биз ана шу эзгу даъватга амал қилиб, мамлакатимизда бошланган кенг қўламли ишларни янги босқичга кўтаришни ўз олдимизга асосий мақсад қилиб қўйганмиз.

Ўзбекистонимизни янада ривожлантириш бўйича яқинда қабул қилинган Ҳаракатлар стратегияси ва унинг узвий қисми бўлган “Халқ билан мулоқот ва инсон манфаатлари йили” Давлат дастури авваламбор ана шу мақсадга қаратилгани билан аҳамиятлидир.

Бизнинг яқин ва узоқ келажаққа мўлжалланган сиёсатимизда муҳим ижтимоий аҳамиятга эга бўлган социал масалаларни ҳал этиш биринчи ўринга қўйилмоқда. Бу одамларни уй-жой билан таъминлаш, соғлиқни сақлаш тизимини тубдан ислоҳ қилиш бўладими, аҳолини арзон ва сифатли дори-дармон воситалари билан таъминлаш бўладими, савдо ва транспорт хизмати, электр, табиий газ, ичимлик суви таъминотини яхшилаш бўладими, болалар боғчалари, янги мактаблар, санъат ва спорт иншоотлари, равон йўллар қуриш бўладими – буларнинг барчаси бўйича биз аниқ дастур ва режаларни ишлаб чиққанмиз ва уларни сўзсиз амалга оширамиз.

Биз жорий йилнинг ўзида қишлоқ жойларда янги намунадаги 15 мингта арзон уй-жой қуришни бошлаб борадмиз.

Ана шундай янги уй-жой массивларида зарур инфратузилма тармоқлари, жумладан, 415 километрдан зиёд ичимлик суви, қарийб 300 километр электр, 320 километр табиий газ тармоқлари барпо этилади. Яъни бу уй-жойлар яхлит бир комплекс бўлиб шаклланади. Шунингдек, мамлакатимиз бўйича минглаб километрлик магистрал ва ички йўллар қурилади ва таъмирланади.

Юртимизда аёллар ва ёшларни тадбиркорликка кенг жалб этиш, оилавий тадбиркорлик ва касаначиликни ривожлантириш мақсадида 2017 йилда тадбиркор аёллар учун 1 триллион сўм, таълим муассасаларини битириб чиқадиغان 10 мингта яқин ёшларимиз учун 60 миллиард сўм кредит маблағлари ажратиш кўзда тутилмоқда.

Биз соғлиқни сақлаш соҳасида юқори технологияларга асосланган, ихтисослаштирилган тиббиёт марказларининг худудларда ҳам фаолият кўрсатишига жиддий эътибор қаратмоқдамиз. Бу олис вилоят ва туманларимизда яшаётган аҳолига қандай янги имконият ва қулайликлар туғдиришини, ўйлайманки, тушуниш қийин эмас.

Мисол учун, Қорақалпоғистон Республикасини оладиган бўлсак, бу ерда Тошкент педиатрия тиббиёт институтининг Нукус филиалида кўп тармоқли болалар клиникаси қурилиши жадал олиб боришмоқда. Бу шифохона яқин келгусида Оролбўйи минтақасидаги болалар саломатлиги бўйича йирик марказга айланади.

Хоразм вилоятида эса Россиянинг А.Бакулев номидаги машҳур клиникаси билан ҳамкорликда юрак-қон томир жарроҳлиги бўйича тиббий марказ қурилиши бошланди.

Айни вақтда Термиз шаҳрида Республика урология, Кўз микрохирургияси ҳамда Гинекология ва акушерлик илмий-амалий марказларининг филиаллари барпо этилади.

Шулар қаторида Қашқадарё вилоятида Республика кардиология ва Эндокринология марказларининг филиалларини бунёд этиш бўйича ҳам амалий ишлар бошлаб юборилди.

Биз қишлоқ врачлик пунктлари фаолиятини, тез ёрдам хизмати, профилактика ва патронаж тизимини янада такомиллаштириш борасида ҳам кенг миқёсда иш олиб бормоқдамиз.

Ўйлайманки, “Инсон манфаати ҳар нарсадан улғун” деган эзгу гояни амалга оширишга қаратилган бундай ишларнинг аҳамиятини халқимиз, авваламбор, сиз, азиз аёлларимиз ҳаммадан кўра яхши тушунасиз.

Мен жойларда бўлиб, халқимиз вакиллари, муҳтарам аёлларимиз билан мулоқотда бўлганимда, уларнинг қувонч ва ташвишлари билан яқиндан танишганимда, турли қийинчилик ва муаммоларга қарамасдан – ҳаёт ўзи ҳеч қачон муаммосиз бўлмайди – опа-сингилларимизнинг орзу-интилишлари, ҳаётга, эртанги кунга катта ишонч билан қараётганини кўриб хурсанд бўламан. Чунки биз ўз олдимизга қўйган улкан мақсад ва вазифаларни амалга оширишнинг энг муҳим шартини, энг асосий замини ҳам аслида халқимизнинг мана шундай ишончидир.

Қадрли опа-сингиллар!

Барчамизга яхши аён, бугунги шиддатли замон, дунёдаги аёвсиз рақобат муҳити биздан жуда катта масъулият ва сафарбарлик билан ишлашни, ҳамма соҳада янгиликларни ёндашувларни талаб этмоқда.

Мана шундай кескин шароитда биз юртимизда тинчлик ва оқилоллик, фуқаролар ва миллатлар ўртасида ҳамжихатлик муҳитини кўз қорачигидек асрашимиз зарур. Айниқса, фарзандларимизнинг қалби ва онгини ёвуз хавф-хатарлардан ҳимоя қилишга энг долзарб вазифа, деб қарашимиз керак.

Агар биз таълим-тарбия, маданият ва маънавият соҳасидаги ишларимизни аниқ тизим асосида ташкил этиб, уларнинг самарадорлигини оширсак, эртанги кунимизни қуролмаймиз, ўз мақсадларимизга етолмаймиз.

Бу борада **“Бир болага етти маҳалла ҳам ота, ҳам она”** деган шior доимий кун тартибиде туриши лозим. Биз ёшларимизни миллий ва умумбашарий қадриятлар руҳида тарбиялаш учун бор куч ва имкониятларимизни сафарбар этишимиз зарур. Бундай гоят муҳим вазифани амалга оширишда биз аввало кўпни кўрган қайовни онахонларимизга, маҳалла фаолларига, муҳтарам фах-

рийларимизга, сиз, азиз опа-сингилларимизнинг ақл-заковатингиз, билим ва тажрибангизга таянамиз.

Оилаларда тиббий, ҳуқуқий маданиятни юксалтириш, касб-хунар коллежлари, олий ўқув юртиларини битириб чиқаётган ёшларимизни, авваламбор, қиз болаларни иш билан таъминлаш давлат идораларининг биринчи галдаги вазифаси бўлиши шарт.

Айниқса, қизларимизнинг саломатлигини асраш, уларнинг замонавий билим ва касб-хунарлар эгаси бўлиб вояга етиши, жамиятда ўз муносиб ўрнини топиши учун биз барчамиз – ота-оналар, жамоатчилик, мутасадди раҳбарлар жавобгарлик ва масъулиятимизни янада қучайтиришимиз зарур.

Нега деганда, қиз бола – бўлғуси оила бекаси, келажагимиз эгасидир. Бугун биз уларга қандай таълим-тарбия берсак, эртага улар янги авлодимизга шундай тарбия беради.

Биз одатда жамиятимиз ҳаётига қарши қаратилган хавф-хатарлар ҳақида гапирганда, кўпинча четдан кирадиган таҳдидларни тушунаемиз. Лекин эски замондан қолган айрим салбий ҳолатлар, афсуски, бугунги тинч ва ёруғ ҳаётимизга соя солиб турибди. Лоқайдлик, бир-бирини қуролмаслик, оилада эр-хотин, қайнона-келин, қўни-қўншалар ўртасидаги келишмовчилик, аёлларга беписанд қараш – бундай ярмас иллатлар бизга, бизнинг халқимизга мутлақо ярашмайди.

Бундай номаъқул ҳолатларни бартираф этиш учун биз ҳар томонлама чуқур ўйлаб, мунтазам равишда иш олиб боришимиз керак. Шу мақсадда биз маҳаллий ҳокимликлар ва ички ишлар тизимини, “Маҳалла” ва “Нуроний” жамғармалари тузилмасини тубдан ўзгартирдик, уларга ёшлар билан ишлайдиган қўшимча шатлар бердик.

Айни шундай ислохотларни биз Республика Хотин-қизлар кўмитаси ва унинг жойлардаги тузилмалари бўйича ҳам амалга оширишни режалаштирганмиз. Кўмита ва унинг худудий бўлинмалари ваколатларини янада кенгайтириш, уларнинг моддий-техник базасини яхшилаш, опа-сингилларимизнинг меҳнатини муносиб баҳолаш ва рағбатлантириш, бунинг учун янги имтиёз ва имкониятлар тизимини яратиш бўйича аниқ чора-тадбирлар кўзда тутилмоқда.

Буларнинг барчаси юртимизда хотин-қизларнинг оила ва жамият ҳаётидаги ўрни ва таъсирини ошириш, уларнинг ҳаётий манфаатларини янада кенг таъминлаш каби эзгу мақсадларга хизмат қилибди.

Мунис ва меҳрибон опа-сингиллар!

Гўзаллик ва нафосат айёми – 8 март байрамими биз ҳар сафар катта қувонч ва ҳаяжон билан кутамиз. Чунки бу қутлуг айём қалбимизда, юрагимизда сизларга бўлган чексиз меҳримиз, ҳурматимизни изҳор этиш учун яна бир катта имконият беради.

Шу маънода, агарки бу байрам бизнинг ҳаётимизда бўлмаган тақдирда ҳам мўстабар оналаримиз, мунис опа-сингилларимиз, дилбар қизларимизнинг ҳурмати учун бундай байрамни албатта ташкил этган бўлардик.

Нега деганда, сизларнинг доимо мана шундай очилиб, ҳаётдан, тақдирдан рози бўлиб, яйраб-яшнаб юришингиз учун, сизларнинг бахту саодатингиз учун биз доимо сидқидилдан хизмат қилишга тайёрмиз.

Илоҳим, мана шундай қувончли кунларимиз кўп бўлсин!

Сизларни бугунги қутлуг байрам билан яна бир бор табриклаб, барчангизга сийхат-саломатлик, оилавий бахт, фарзандларингиз, набираларингиз камолини қўришни тилаяман.

Ҳамиша соғ-омон бўлинг, азизлар!

Караматдинова Айжамал Женгис қизи – Қорақалпоқ давлат университети қошидаги 1-академик лицейнинг 3-босқич ўқувчиси

Отажонова Гўзал Азамат қизи – Қорақалпоғистон Республикаси Тўртқўл тиббиёт коллежининг 3-босқич ўқувчиси

Таштемирова Илтижохон Валишер қизи – Андижон педагогика коллежининг 3-босқич ўқувчиси

Идиева Азиза Журабек қизи – Бухоро иқтисодиёт ва банк коллежининг 1-босқич ўқувчиси

Абдуразоқова Нигина Абдуваҳоб қизи – Жиззах санъат коллежининг 3-босқич ўқувчиси

Ўзбекистон Республикаси Президентининг 2017 йил 3 мартдаги ПҚ-2815-сонли қарорига илова

ЗУЛФИЯ НОМИДАГИ ДАВЛАТ МУКОФОТИ БИЛАН ТАҚДИРЛАНГАНЛАР Р Ў Й Х А Т И

Неъматова Ўғилой Акрам қизи – Қашқадарё вилояти Китоб иқтисодиёт ва хизмат кўрсатиш касб-хунар коллежининг 3-босқич ўқувчиси

Камолова Дилноза Самариддиновна – Навоий вилояти Учқудуқ қурилиш ва уй-жой коммунал хўжалиги касб-хунар коллежининг 2-босқич ўқувчиси

Муҳаммаджонова Севинч Иброҳимали қизи – Наманган вилояти

Чуст спорт коллежининг 1-босқич ўқувчиси

Ўроқова Дилдора Акмалжон қизи – Самарқанд вилояти Иштихон туманидаги 1-ихтисослаштирилган Умумий ўрта таълим мактабининг 9-синф ўқувчиси

Шербекова Нозимабону Нурмухаммад қизи – Сирдарё вилояти Боёвут қишлоқ хўжалиги касб-хунар коллежининг 2-босқич ўқувчиси

Темирова Шаҳрибону Бахтиёр қизи – Термиз давлат университети

қошидаги Термиз академик лицейининг 3-босқич ўқувчиси

Рахматова Дилноза Бакир қизи – Ўзбекистон давлат жисмоний тарбия институтининг 1-босқич талабаси (Тошкент вилояти)

Курбонова Муштарийбеги Бахтиёржон қизи – Фарғона давлат университетининг 1-босқич талабаси

Машарипова Рухсора Олимжонна – Урганч давлат университети қошидаги 2-академик лицейининг 2-босқич ўқувчиси

Турсунқулова Нигора Акмал қизи – Тошкент шаҳри Миробод енгил саноат ва сервис касб-хунар коллежининг 3-босқич ўқувчиси

ЭЪЗОЗЛАР, АРДОҚЛАР УЧУН ТАШАККУР

Мамлакатимизда нафосат ва гўзаллик айёми Халқаро хотин-қизлар куни кенг нишонланмоқда. Бу йилги байрам тадбирлари ўзгача файзли ва шуқуҳи билан онахонларимиз ва опа-сингилларимиз кўнглини қувончга тўлдирмоқда.

Пойтахтимиздаги «Наврўз» давлат қабуллар уйида 8 март – Халқаро хотин-қизлар куни муносабати билан бўлиб ўтган тантанали байрам тадбирида Президентимиз Шавкат Мирзиёев иштирок этиб, мамлакатимиз

хотин-қизларини ушбу айём билан табриклади. Давлатимиз раҳбари адабиёт, санъат, фан, таълим, маданият, спорт соҳаларида эришган алоҳида ютуқлари учун Зулфия номидаги Давлат мукофоти билан тақдирланган 15 қизга ана шу юксак мукофотларни тантанали равишда топширди.

Тадбир қатнашчиларининг барчаси давлатимиз раҳбарининг бу эътибори ва эъзозидан боши кўкка етгудек мамнун бўлишди.

Умида Абдуазимова, шора:

– Бу йилги байрам ҳар доимгидан ўзгача бўлди, «Наврўз» кошонасидан юрагимга ишонч, ишчанлик, хаяжон солиб қайтдим. Меҳмон дастурхонгамас, мезбоннинг кўзига қарайди, деганларидек ёз ва куз неъматларини эрта баҳорда бизга илинган ҳамма мезбонларга меҳрим



ни барча қатори мени ҳам мамнун этди. Президентимиз юртимиз аёл-қизларига, сабрматонат тимсоли бўлган мунис онажонларга юксак ҳурмат-эҳтиром, эзгу тилаклар билдирди. Эртанги ёруғ истиқбол учун зарур вазифаларимизни ҳам ўз маърузаларида белгилаб берди. Республикаимизнинг барча ҳудудларидан ташриф буюрган хотин-қизларга кўрсатилган юксак эҳтиром, олий даражадаги меҳмондўстлик, концерт дастури, таниқли шoirлар, санъаткорларнинг дил сўзлари қалбларни фахрифтхорга, қувончу шодликка ошно этди. Айниқса, ҳар бир иштирокчининг исм-шарифи ёзилган, азиз Юртбошимиз табриқномаси ҳамда қимматбахо совға унутилмас эсдалик бўлиб қолади.

Дилором Айтбоева, Ўзбекистон Республикасида хизмат кўрсатган Соғлиқни сақлаш ходими:

– Қорақалпоғистон Республикаси Эллиқалъа туманидаги Ибн Сино Қишлоқ врачлик пункти мудирасиман.

Худудимизда 8257 нафар аҳоли истиқомат қилади. ҚВПмиз жаҳон стандартларига мос асбоб ускуналар, лаборатория апаратуралари, ЭКГ апарати физиотерапия ва стоматология апаратуралари, акушер гинекология хонаси асбоб-ускуналари, қаттиқ ва



юмшоқ инвентарлар билан жиҳозланган.

Аваллари қон таҳлили ёки ЭКГ текширувдан ўтиш учун беморлар 45 километр масофани босиб, марказга боришар эди. Эндиликда бу текширувлар ўзимизда ўтказилляпти.

Президентимиз ташаббуси билан соғлиқни сақлаш тизими тубдан янгиланмоқда. ҚВПлар оилавий поликлиникаларга айлантирилиб, уларнинг ҳар бири терапевт-педиатр, акушер-гинеколог, эндокринолог каби мутахассислар ва УЗИ апарати билан таъминланиши бўйича ишлар олиб бориляпти. ҚВПлар қошида тез тиббий ёрдам станциялари филиали ташкил этилмоқда. ҚВПлар ҳар куни 24 соат мобайнида аҳолига

хизмат кўрсатиши ҳам белгиланган. Аҳоли саломатлиги йўлида амалга оширилаётган бу ишлар ҳар биримизни беҳад хурсанд қилмоқда.

Румия Сулаймонова, Ўзбекистон Республикаси Олий ва ўрта махсус таълим вазирлиги бош юрисконсульти:

– Президентимиз фарзанд тарбиясида ота-оналар масъулиятини ошириш кераклигини тинимсиз таъкидлаяпти. Бу ҳар биримизни сергакликка ундаши керак. Давлатимиз раҳбарининг: “Атрофдаги муаммоларни билиб билмасликка олиш хиёнат”, деган сўзлари кишини уйлантиради. Биз 12 йиллик бепул таълимнинг қадрига етишимиз керак.

Президентимизнинг табриқларидан сўнг уйга бориб, фарзандларимни йиғиб, уларга ҳам барча фикрларини етказдим. Яқшанба дам олиш куни бўлишига қарамай ишга чиқиб кетдим. Ахир, бундай юксак ишончдан сўнг қандай қилиб, уйда хотиржам ўтириш мумкин?



Зулхумор Раҳматова, Бухоро вилояти, Қоровулбозор тумани, “Тинчлик” маҳалла фуқаролар йиғини раиси, “Шуҳрат” медали соҳибаси:



– Ўқувчилар давоматига оид фикрларни эшитганимда бу муаммонинг бир томони бизга тааллуқли эканини ҳис этаман. Рус-қозоқ тилига ихтисослашган 2-умумтаълим мактабида бир неча йил директор бўлиб ишладим. Эътиборимни ўқувчилар давоматига қаратардим. Қайси синф хонасида ўқувчилар тўлиқ бўлмаса, демак, ўша синфга дарс ўтадиган ўқитувчи болаларни ўзига жалб эта олмаяпти.

2016 йилдан буён маҳалла раиси сифатида иш юритяман. Маҳалланинг масъулияти анчайин қийинроқ экан. Ҳар бир фуқаронинг ўз муаммоси бўлади. Раис ана ўша муаммони маҳалладан четта чиқмай бартараф этилишига эришиш зарур.

Ўз мухбирларимиз

СИЗ ҲАМИША ГЎЗАЛ ВА БЕТАКРОРСИЗ

ҚОИДАЛАРГА ҲАММА АМАЛ ҚИЛИШИ ШАРТ

Шоира Ибрагимова:

— Узим тадбиркорман. 20 йилдан бери машина бошқараман. Бир вақтлар такси ушлаш оқибатига кўчада қолиб кетган кунларим бўлган. Энди ҳаётимни машинасиз тасаввур қилолмайман. Менимча, аёлларга машина ҳайдаш жуда қулай. Ишга ҳам, болалар ва оиланинг ташишларига ҳам бирдек улгуриш мумкин. Йўлда улов кутиб вақтингизни беҳуда сарфламайсиз. Шунинг учун умр йўлдошим ҳам, фарзандларим ҳам машина ҳайдаш ҳақидаги фикримни қўлаб-қувватлашган.



Илгари аёл ҳайдовчилар жуда кам эди. Кейинги йилларда улар анча кўпайди. Рулни бошқаришда маҳоратли ҳайдовчи аёллар анчагина. Аммо ҳали қоидаларни тўла ўзлаштирмай, машинани бошқарётганлари ҳам учрайди. Йўлда ҳар хил одамларни учратасиз. Кўпчилик эркаклар аёлларнинг машина ҳайдаганини ёқтиришмайди. Айримлар беписандлик билан қарашади. Бу албатта, кайфиятингизга таъсир этмай қолмайди.

Менимча, машинани бошқариб кўчага чиқдингизми, бу аёл, бу эркак деган гап бўлиши мумкин эмас. Йўл ҳаракати қоидаларига ҳамма бирдек амал қилиши шарт. Бу эса биздан янаям эътиборли, масъулиятли бўлишни талаб этади.

ЎН САККИЗ ЙИЛДА БИРОР МАРТА НОЛИМАГАН

Умид АҲМЕДОВ, 60-автобус ҳайдовчиси:

— Жамиятда оила жуда муҳим. Эркак кишининг вақти кўпинча кўчада, турли хил юмушлар билан ўтади. Аёл киши эса оиладаги саришталик ва саранжомликни сақлаб билиши, масъулиятни ҳис этиши лозим. Аёлим бу борада мустаҳкам иродали, сабр-тоқатли. Фарзандлар тарбиясида ҳам меҳрибон, ҳам талабчан. Турмуш қурганимизга ўн саккиз йил тўлган бўлса, бирор марта нолганини ёки жанжал чиқаришга уринганини эслаш олмаман. Аксична, у доим оилада ҳамжихатлиқ, аҳилликни сақлашга ҳаракат қилади. Шу пайтгача ҳатто кўзимга тик қарамаган, уят ва андишани сира ёддан чиқармайди. Тўрт ўғлимиз бор. Болаларимиз ҳам ҳаммиша тартибли, кийимлари тоза, хушхулқ бўлиб юришади. Қўрғанлар оиламиздаги бундай соф муҳитга албатта, ҳавас қилади.



Мана 14 йилдирки, ҳайдовчиман. Олти йилдан буюн турмуш ўртоғим ёнимда ишлаяпти. Яъни, мен автобусда ҳайдовчилик қилсам, у ёнимда чиптачи. Инсон яқинларини ҳурмат қилиб, ўзаро аҳил-иноқликда бир-бирини тушуниб яшаса, ўйламанки, хонадондаги тинчлик бардавом бўлади.

ҲАММА ГУЛЛАР АЁЛИМ УЧУН

Боситхон ЭШОНХЎЖАЕВ, Олой бозори гулчиси:

— Гулдаста тайёрлаётганда албатта, гулларнинг сифати ҳамда янгилигига эътибор қаратаман. Шунингдек, эркак харидорлардан гулдастани неча ёшли аёл учун опаётганини сўрайман. Чунки катта ёшли аёллар билан қизларнинг гул танлови борасидаги дидлари турлича бўлиши мумкин. Кўзга ташланадиган, ёрқин рангдаги гуллар кўпроқ ёш қизларга хуш ёқади. Тўқ қизил ёки оқ рангли гуллар эса катта ёшли аёлларга манзур келади.

Уйимизда гулдонда ҳаммиша гул туради. Турмуш қурганимизга 30 йилдан ошди. Аёлим гоҳида: "8 март кuni менга гул совға қилмагандисиз", деса, унга: "Иссиқхонадаги гулларнинг бари сеники-ку", деб ҳазиллашаман. Илгаридан шу хунарга қизиқдим. Кам бўлмадим. Аёлим билан болаларни бекаму кўст вояга етказдик. Ҳозир тўрт фарзанднинг отаси, саккиз набиранинг севимли бобожонисиман.



КАСБИМИЗ ЖУДА ШАРАФЛИ

Латофат Пахриддинова, Ёнгин хавфсизлиги хизмати ходими:

— Бу ишга келганимда ёш қизча эдим. Мана 13 йилдан бери Тошкент шаҳар ИИББ, Миробод ТИИБнинг ёнгин хавфсизлиги бўлими 6-қисмида сафдорман. Шу касб орқали жамиятда ўз ўрнини топдим. Касбимиз жуда шарафли, шу билан бирга ўзига яраша қийинчилиги бор. Қаердадир ёнгин содир бўлгани ҳақидаги хабарни олсак, тезкорлик билан ўт ўчирувчиларни ёрдамга юборишимиз жуда муҳим. Шу боис биздан катта масъулият ва сергаклик талаб этилади. Саъй-ҳаракатларимиз билан ёнгинларнинг олди олиниб, ҳаётларимизнинг мулки, уйи ўт балосидан сақлаб қолинганида шу касбни танлаганимдан мамнун бўламан.

Ҳар бир аёл уйда тинчлик бўлсагина хотиржам ишлай олади. Бу борада омадим чоған — уйдагилар мени ҳаммиша қўлаб-қувватлашади.



ёнгинларнинг олди олиниб, ҳаётларимизнинг мулки, уйи ўт балосидан сақлаб қолинганида шу касбни танлаганимдан мамнун бўламан.

Ҳар бир аёл уйда тинчлик бўлсагина хотиржам ишлай олади. Бу борада омадим чоған — уйдагилар мени ҳаммиша қўлаб-қувватлашади.

ГОҲИДА ЖОНКУЯРЛИГИНИ ПАЙҚАМАЙ ҚОЛАМИЗ

Улуғбек УНГАНБАЕВ, Тошкент метрополитени Чилонзор линияси машинисти:

— Турмуш ўртоғим ҳаётим мазмуни, бир ёшли жажжи ўғлимнинг меҳрибон онасидир. Шу даражага етишимизда рафиқамнинг ҳиссаси катта, деб ўйлайман. Йўловчи ташиш транспортда ишлайдиганларнинг ишини енгил, деб бўлмайди. Ҳар доим, ҳар хил вақтда ишда бўлишимизга тўғри келади. Эркакларнинг кўп вақти ишонада ўтгани учунми, баъзан аёлимизга нисбатан эътиборсиздек кўринамиз. Ишдан қайтганимизда баъзан чарчоқ туфайли бизни ширин таомларни тайёрлаб, чиройли муомала билан кутиб турган аёлимизнинг жонкуярлигини пайқаймиш ва бу уларга оғир ботишини ўйламаймиз. Аёлим билан турмуш қурганимизга икки йил бўлди. Кечикканимда қачон уйга қайтишимни сўраб, кўнғироқ қилади. Баъзан ишдан чарчаганимдан уни уришиб ҳам бераман. Мени уйга эсон-омон етиб келишимни тилаб, хавотир бўлиб кўнғироқ қилаётганини тушуниб, ўзимни ўзим койган вақтларим ҳам бўлган. Аёлга эътибор қаратиш учун фақат байрамни кутиш шарт эмас. Бир оғиз ширин сўзимиз рафиқамизга куч-қувват бағишлайди, деб ўйлайман. 8 март бу бир кунлик байрам. Уларга ҳар кун гўзал эканини айтишимиз, меҳр ила севиб-ардоқлашимиз лозим. Назаримда, бу ҳар бир эркак учун ҳам фарз, ҳам қарзидир.



БАРЧА ФАЗИЛАТЛАРИ ҲУРМАТГА ЛОЙИҚ

Жасур ШЕРМАТОВ, Ички ишлар вазирлиги инсон ҳуқуқларини ҳимоя қилиш ва юридик таъминлаш бошқармаси катта инспектори:

— Бизнинг соҳада хизмат қилиш эркаклардан ҳам, аёллардан ҳам катта меҳнат ва масъулият талаб этади. Ички ишлар вазирлиги тизимига фаолият юритаётган аёлларнинг сергайратлиги, чарқоқни билмай ишлашига қойил қолса арзийди. Аёл кишининг барча фазилатлари ҳурматга лойиқ. Айниқса, хотин-қизларнинг оила юмушларини ҳам жамият ҳаётидаги фаолиятини бирдек удабауронлик билан бажаришини олоҳида эътироф этмасликнинг иложи йўқ.

Ўз оиламга келсак, рафиқамнинг сабрлигини жуда қадрлайман. Бизнинг соҳада иш баъзан ярим тунгача давом этади. Уйга кеч қайтганимда юзидан табассум билан мени қаршилайдиган аёлим борлигига шукроналар айтгим келади. Унинг ҳушмуомалалигидан ишдаги чарчоқларимни унутиб юбораман.

Хотин-қизларимизни фақатгина бир кун, байрамда эмас, балки умр давомида эъзозлаб, авайлаб яшашимиз лозим. Уларга қанча кўп меҳр берсак, шунча оз.

МУҲАББАТ ФАСЛИНИНГ НЕКБИН СИРЛАРИ

ОР-НОМУСНИНГ ОЛТИН АСРИ

Отахон Худойберганов, Хоразм вилояти, Урганч шаҳри, 62 ёш:

— Ёшлиқ, ўтди-ю кетди. У пайтлар дил изҳоримизни қоғозга ёзиб, қизга етказиш учун дугонасигами, маҳалласидаги бирор болагами илтимос қилардик. Андиша, уят, қизларнинг номусини асраш каби туйғулар устувор бўлгани учун бу гапни ҳаммага ҳам айтолмасдик. Гоҳида эрталабдан кечгача, қизнинг йўлини пойлаб, кўчага чиқишини кутардик. Хуллас, дил изҳоримизни қоғозга ёзиб, "эгаси"га етказиш учун эҳ-ҳе, қанча вақт ўтиб кетарди.

Хат ёзишга журъат етолмасак, исмларимизнинг бош ҳарфларини дарахтларнинг танасига ёзиб, шу орқали қизнинг эътиборини тортишга умид қилардик. Тўй-маракаларда йигит-қиз учрашувига имкон бўлар, ёқтирган қизимизни бир кўришимиз, унинг табассуми билан кўз ташлаб қўйиши (суҳбатлашиш қаёқда дейсиз) бизга бир олам қувонч берарди.

Уша пайтлар йигитлар ўртасида "Урал" мотоциклларни ҳайдаш урф бўлганди. Айримлар мотоциклни "вангиллатиб", кўчани чангитиб, у ёқдан-бу ёққа ўтиб қоларди. Бу ким эканини, ким учун бундай "хунар" кўрсатаётганини ўша жойдаги йигит ва қиз муносабатидан хабардорларгина тушунарди, холос.

Тенгқурларимиз у пайтлар кўп китоб ўқишарди. Қоғозга ёзилган дил изҳорини китоб орасига жойлаб ёқтирган қизга жўнатиш мумкин эди. Шу усуллардан ҳам фойдаланганимиз. У пайтлар йигит-қизлар ўртасида ор-номус, ибод, ҳаё жуда кучли бўлган. Буни ҳозирги ёшлар тасаввур ҳам етолмайди. Ёшлигимиз ор-номуснинг олтин асрида ўтган экан-да, деб эслаб ўтираемиз.

АЙТИЛГАН СЎЗ — ОТИЛГАН ЎҚ

Муслим Эргашев, Тошкент вилояти, 34 ёш:

— Ёшлиқ чоғимиз қизлар ҳозиргига нисбатан оддий, содда, бегубор эди. Чанг кўчаларда синфдошларим ёқтирган қизининг йўлини пойлаб, унга дил изҳорини айтарди. Йигит-қизлар: "Айтилган сўз — отилган ўқ", деган ақйдага амал қилишарди.

Эсимда, мен ёқтирган қизнинг ҳовлиси яқинида ҳали битмаган уй бўларди. Унинг дарвозаси ҳам пастаккина, занг босган эди. Қайси пайти, қаерда учрашув белгиласак, қисқа қилиб, фақат ўзимизгагина тушунарли бўлган тилда ана шу дарвозага "парол"имизни ёзиб кўярдик.

Кунботар палласида ўша атрофда ўралашиб юрардим. Тезроқ чиқа қолсайди, деган истак билан икки кўзимни қизнинг дарвозасидан узоқласдим. Баъзан умуман чиқмаслиги ҳам мумкин эди. Кутиш фурсатлари жуда секин ўтарди. Қизнинг нега қиймаётгани сабабини билолмайсиз, "эҳтимол, ҳозир чиқиб қолар, балки энди чиқар", деб кутаверасиз, кутаверасиз... Энди эсласак, у даврийам бир гапти бор экан-да, деймиз.

СМС — ҚУЛАЙ ВОСИТА

Наврўз Жўракулов, ЎЗДЖТУ қошидаги 3-сон академик лицейи ўқувчиси, 18 ёш:

— Ҳозир қизларга ҳат эътиш анча эскирган усул, деб ўйлайман. Ахборот асрида, ҳамма нарса тезлашган замонда яшашимиз. Биров билан гаплашишга соатлаб вақт сарфламайсиз. Хоҳлаган пайтда телефон қилишингиз, СМС жўнатишингиз ёки ижтимоий тармоқлар орқали ҳол-аҳвол сўрашингиз мумкин.

Бугуннинг йигитлари илгаригиларга ўхшаб бир энлик мактубни қизга етказмайди. Энтикиб нимадир ёзмайди. Интернетда маҳсус дил изҳорлари бор. Шуларни кўчириб, севгилсига юбора қолади. Шунданми, севиб деган туйғунинг моҳияти бир оз ўзгаргандек. "Севаман", деган сўзни айтиш жуда осон бўлиб қолгандек туюлади.

"Оила ва жамият" мухбирлари
Олимжон ЖУМАБОВ,
Латофат САЪДУЛЛАЕВА,
Ширинхон МУМИНОВА,
тайёрлади.

САРИҚ НИМЧАЛИ САРИШТАЛАР

Халқимизда касбнинг ёмони, меҳнатнинг айби бўлмайди, деган гап бор. Тўғри-да, ҳар бир ишнинг ўзига яраша завқи, қийинчилиги, масъулияти бўлади. Кичик жуссасида улкан эҳтиромни орқалаб яшаётган, тонг саҳарда эрта уйғониб, сариқ нимчасини эгнига илиб, қиш аёзюи ёз жазирамасини пиланд қилмай, ўз вазифасини сикидилдан бажараётган аёлларнинг меҳнати туфайли юрар йўлларимиз, борар манзилларимиз ҳаммаша озода, саришта. Гоҳида кафтдеккина ҳовлини

аҳволда чиқарманг, синглим”, дея хижолатли кулимсираб, эътироз билдирди.

—Қилаётган ишингиздан фахрлансангиз арзийди. Юртимизнинг энг чиройли гўшаларидан бирини тоза-озода сақлашдек вазифани бажаряпсиз. Касбингиз туфайли ҳам табиатга, ҳам одамларга фойда келтиряпсиз. Шундай хайрли юмушни “хижолатли иш”, деб бўладими, ахир, — деганимиздан сўнг суҳбатга рози бўлдилар.

— Амир Темури хиббониди бир ярим йилдан бери ишлайман, — дейди Хадид

шунчаки хиббонни эмас, Ўзбекистонни кўришади. Йўлақлар супирилмай, писта пўчоғи, музқаймоқ қоғозлари оёқ остида ўралашиб ётса: “Хиббон тоза эмас экан”, дейишмайди, “Ўзбекистонда тозалikka эътибор берилмайди”, деган хулоса билан кетишади.

А й р и м л а р ўриндиқларда ўтириб, писта чақиб, пўчоғини оёқ остига ташлайди. Бу иши ножоизлигини айтсангиз: “Фаррош бўлгандан кейин супуриб, тозалайсиз-да”, деган ўйда белисанд қарашади. Тўғри, бу бизнинг ишимиз, шу ернинг тозаллигига масъулмиз ва бунинг учун бизга маош тўлашади. Лекин ҳаммамиз бирдек ҳаракат қилсаккина юртимиз гўзал, шаҳарларимиз тоза ва озода бўлади. Икки юз-уч юз нафар фаррош Тошкентдек азим шаҳарни тозалаб улгуролмаслиги аниқ? Кимдан сўрасангиз: “Ватанимни севаман!”, деб дадил гапирди. Кўча-хиёбонлар, йўллар тозаллигига эътибор бериш ва фаррош меҳнатини қадрлаш ҳам юртга бўлган муҳаббатдан далолат беради, деб ўйлайман.

И й м а н и б с ўзлаётган суҳбатдошимнинг юз-кўзларидан ёғилаётган мамнуният нури кўнглиларни ёритади. Поклик, тозаллик билан шугулланувчи кишиларнинг қалблари ҳам тозариб бораверади, аслида.

Хиббон буйлаб Сайлғоҳ кўчасига юрдик. Атрофда баҳарий юмушлар авжида — хизматчилар даракт оқлаган, йўлак супурган, кўчат ва дарактларнинг тагини тозалаб, юмшатган. Ободонлик ишларига киришган кўнгли обод инсонларнинг иш жараёнини кузатиш завқли.

Орамизда, оз бўлса-да, фаррошлар меҳнатини қадрламайдиган инсонлар ҳам бор. Ана шундай кишилар дуч

келган жойга ахлат ташлаб кетиши одат қилишган. Аслида, ким қадрсиз, дуч келган ерга чиқинди ташлаб атрофдагилар таъбини хира қиладиган маданиятсизларми, ёки эрта тонгдан кўча-хиёбонларни тозалаб, юртимиз кўрмага кўрк кўшиб, ўз ишидан завқ туядиган инсонларми?..

Кундалик юмушига ошиқаётган юртош, бир муддат тўхтанг. Атрофингизга қаранг, сариқ нимча кийиб, йўлақларни тозалаб юрган аёлни кўряпсизми? Бир оғиз ширин сўзингизни аямай, уни байрам билан кутлаб қўйинг. Бу қалби дарё аёл эътиборга, сизу бизнинг миннатдорлигимизга бошқалардан кўра кўпроқ ҳақлидир. Чунки у нафақат юрар йўлларимизни, балки сизу бизнинг кўнгли гўборларимизни ҳам тозаламоқда.

Умида ТУРСУНОВА



супуриб-сидиришни иш санаб, малол оладиган айрим аёллар истеҳзоси олдиди бу касб эгалари меҳнати чинакам қаҳрамонлик, десак муболағага йўйманг.

...Байрам арафасида пойтахтимизнинг гавжум гўшаларидан бири — Амир Темури хиббонига бордик. “Ҳорманг опа”, дея йўлақни супураётган опахонни суҳбатга чорлагандик: “Қўйинг, мени шу

ча опа. — Ишимиз яхши. Ҳамма шароит яратилган. Тўғри, бошида ишимдан уялган, ўзимни кемтик ҳис қилган пайтларим бўлган. Лекин ҳаммаси орта қолди. Ҳалол меҳнат қиляпман, шу иш сабабли ризқ-насиба топяпман, одамларга оз бўлса-да, фойдам теяпти. Хиббонга нафақат юртошларимиз, балки хорижий давлатлардан ҳам меҳмонлар келишади. Улар бу ерда

АЁЛЛАРНИНГ МУАММОСИ — ПОШНАДА

Байрам яқинлашгани сайин аёллар юрагига хавотир тушади. Кимдир янги кўйлак, янги туфли ташвишида бўлса, бошқиси борига шукур қилиб, пойафзалини таъмирлатиш учун этикдўз-косиблар ҳузурига ошиқади. Ҳеч бир аёл кўримсиз оёқ кийим кийишни истамайди-да. Қолаверса, дўст бошга, душман оёққа қарайди, деган гаплар бор...

Хуллас, байрам баҳона пойтахтимизнинг Олой бозори атрофидаги Ўзбекистон почтаси ҳудудида жойлашган пойафзал тузатиш устахонаси косиби Баҳромжон Қўчқоровни суҳбатга чорладик.

— Фарғона вилояти Богдоғ туманида туғилиб-ўсганман. Ун йилдан буён пойтахтда шу хўнарнинг ортидан рўзгор тебратиб келяпман, — дейди Баҳромжон. — Одатда қизлар оёқ кийимларини таъмирлатишга олиб келишмайди. Уялишса керак. Мижозларимнинг кўпчилиги бозор атрофидаги ташкилотларда ишлайдиган 25-40 ёшдаги аёллар. Аниқроғи, уларнинг пойафзаллари билан йилнинг тўрт фаслида “учрашаман”.

— Пойафзалига қараб аёлларнинг феъл-атвори, ички дунёсини билиш мумкинми?

— Албатта, мумкин. Масалан, баъзилар битта туфлини икки-уч йил кияди. Уни қўлимга олганимда битта доғ сезмайман. Аммо бир ойдаёқ фалон сўмга олинган пойафзалнинг оғзини икки томонга қийшайтириб, ланг очиб қўядиганлар ҳам бор. Бу аёл кишининг қадам босиши билан боғлиқ. Айримлар шошмасдан, майда қадам ташлаб юрса, бошқа тоифадагилар, ерга зарб билан тепиб юришади. Шу боис аёлларнинг энг катта муаммоси — пошна-сида. Яна бир гап, турмуш ўртоғининг топиш-тутиши яхши аёлларнинг ҳам кўпчилиги пойафзали қадрига етмайди. Маошга кун кўрадиган, ўз меҳнати эвазига рўзгор тебратадиганлар эса

оёқ кийимини эҳтиётлаб, авайлаб кияди. Чунки инсонни ҳаракатга келтирадиган оёқ. Шу боис пойафзал қулай бўлиши керак.

Айрим аёллар пойафзалини олиб кетгани келганида ҳамма жойини синчиклаб кўриб, камчилик топишга интилади. Бирор жойига озгина доғ ёки елим тегиб қолган бўлса, жанжаллашиб, меҳнат ҳақидан чегиришга уринишади. Бутун бошли туфлисини таъмирлаб, эвазига ҳақорат эшитган кунларим ҳам бўлган. Мана шу туфлимни кийишга уялиб тургандим, янгидек қилиб қўйибсиз, дея дуо қилиб кетадиганлар ҳам бор.

— Хотин-қизлар ўртасида қандай оёқ кийимлар урфда?

— Ҳозир паст пошнали максималар урфда. Баланд пошнали туфлиларга қараганда уларни таъмирлаш нархи бироз қimmat. Чунки максимаси товон қисмининг ҳажми катта бўлгани сабабли сарфи кўп. Пошнага резина қўйиш 10 минг, айлантриб тикиб чиқиш 7 минг сўм туради. Мижозларимни тушунаман. Улар ўзига аталган пулдан ҳам тежаб, рўзгорига сарфлайди.

— Пойафзаллар нархи билан ҳам қизқасизми?

— Эраклар орасида ҳам оёқ кийимининг нархиға эътибор берадиган-



лари бор. Лекин кўпроқ қimmatбахо пойафзални аёллар олиб келишади. Улар устахонага кириб, туфлисининг камчилигини айтишдан олдин, нархидан гап бошлашади. Яқинда бир аёл этик олиб келди. Турмуш ўртоғи совға қилган экан. Бор-йўғи икки ойгина кийилган этик нархи 200 АҚШ доллари баҳосида. Пошнасини тўғрилаб бердим, хурсанд бўлиб кийиб кетди. Баъзида опти-етти миллион сўм турадиган оёқ кийимларини ҳам олиб келишади. Ўз ишимни пухта эгаллаганим учун қimmat бўлса ҳам чўчимайман. Уста маҳсулотнинг арзон ёки қimmatлигига қараб эмас, ўз ишининг сифатли бажарилишиға эътибор қаратиши зарур.

— Онангизға ҳам ўз қўлингиз билан бирорта оёқ кийим тикиб берганмисиз?

— 17 ёшда отамдан айрилиб, етим қолганман. Турмуш ўртоғим Одинахон чеваз, Сарвиноз исмли қизчам бор. Онам бизни бир кўзлаб катта қилди. Эраксиз яшаган кунларнинг сояси онамға энди билинпоти. Эпилепсия (тутқанок) касалини орттириб олган. Пойтахтдаги малакали шифокорларга кўрсатиб, тез-тез даволатиб тураман. Топган пулларимга кўпроқ дори-дармон сотиб оламан. Тўғриси, шу пайтгача онамға бирорта совға бериш ҳақида ўйламабман. Яхши эслатдингиз, ўз қўлим билан туфли тикиб, у кишига совға қиламан. Табиатан камгаллим учун баъзида дилимдаги сўзларимни айтолмайман. Онамнинг ҳаммаша соғ бўлсин. Қаддилари эгилмасин. Ҳеч қачон дард уларга соя солмасин.

Нигора Алишер қизи



AGROBANK

AGROBANK

АКЦИЯДОРЛИК ТИЖОРАТ БАНКИ ЖАМОАСИ

Юртимизга баҳор ташриф буюраётган ушбу бетакрор
лаҳзаларда барча мунис ва меҳрибон аёлларни, гўзал
ва дилбар опа-сингилларимизни муборак айём –
Хотин-қизлар байрами билан чин дилдан

ТАБРИКЛАЙДИ!

Уйғониш ва яшариш фасли бўлмиш кўклам
кунларидан бир куннинг аёлларга бағишланишида
ўзига хос ҳикмат бор. Гўзаллик ва нафосат, яшариш
ва яратиш тимсоли бўлиш, баҳор ва аёл бир-бирига
хамоҳангдир. Халқимиз ҳамيشа Яратгандан юрт тин-
члиги, хоҳадонлар осойишталиги, фарзандлар
баркамоллигини сўрайди.

ҚАЛБИНГИЗ КЎКЛАМДЕК БЕГУБОР БЎЛСИН, АЗИЗ АЁЛЛАР!



«ЎЗАГРОСУГУРТА»
АКЦИЯДОРЛИК ЖАМИЯТИ

«O'ZAGROSUG'URTA» АКЦИЯДОРЛИК ЖАМИЯТИ ЖАМОАСИ

*Юртимиздаги барча муҳис ва
муътабар онахону опа-сингилларимиз-
ни қутлуг айём 8 март – Халқаро
хотин-қизлар куни билан салимий
муборакбод этади!*

*Сизларга мустаҳкам соғлиқ,
оилавий бахт, хонадонингизга
тинчлик, дастурхонингизга
қут-баракка тилаймиз.*

**ЮЗИНГИЗДАН ТАБАССУМ АРИМАСИН,
МУХТАРАМА ХОТИН-ҚИЗЛАР!**

Хизматлар лицензияланган



«TOSHSNANARTRANSKIZMAT» АКЦИЯДОРЛИК ЖАМИЯТИ

*ва унинг тасарруфидаги корхона-
лар жамоаси нафосат ва гўзаллик
байрами 8 март – Халқаро хотин-
қизлар куни муносабати билан барча
аёлларимизни, опа-сингилларимизни
чин юракдан қутлайди!*

*Аёл қалбини уммонга менгзайдилар. Дарҳақиқат шундай.
Унинг меҳри чек-чегарасиз, дарё мисоли.*



БАЙРАМ МУБОРАК, ҚАЛБИ ДАРЁ АЁЛЛАР!

Хизматлар лицензияланган

КЎНГИЛЛАР КЎПРИГИ

Бир аёл учун оила, рўзгор, фарзандлар тарбиясининг ўзи катта масъулият, залворли юк. Орамизда шундай аёллар бор-ки, улар бу масъулиятли вазифани қойилмақом қилиб бажариб, устига-устак, эл дарди, эл юкига елка тутмоқни, кўнгилларга йўл топиб, кўнгиллар аро кўприк бунёд этмоқни ўзлари учун шараф, деб биладилар.

Қашқадарёлик Ойдин Анорова ҳам чин маънодаги фидойи аёлларимиздан бири. Узоқ йиллар “Қашқадарё” (собик “Қашқадарё ҳақиқати”) газетаси тахририятида хизмат қилган, вилоятнинг ижтимоий-сиёсий ҳаётини синчков журналист нигоҳи билан таҳлил этган Ойдин опа кейинчалик воҳа ёшлари фаолиятини ёритишга ҳисса қўшиш мақсадида “Баркамол авлод” газетасини ташкил этди. Қирқ йилдан зиёд журналистик фаолияти давомида вилоятнинг ҳар бир тумани, қишлоғу маҳалласини қадамма-қадам кезди, десак асло муболага эмас.

– У ҳамisha одамлар орасида юриб, уларнинг орзу-умидлари, ўй-ташвишларини қаламга олди, муаммоларнинг ҳал этилишида елкадош бўлди, – дейди ҳамкасби, матбуот фахрийси Дилором Исломова. – Муҳими, бу масъулиятли вазифага ҳамisha ҳолис ва ҳаққоний ёндашди. Биринчи Президентимиз Ислон Каримов вилоятимизда биринчи раҳбар бўлиб ишлаган кезларида бош муҳаррирга кўнгирак қилиб, “Ойдин Аноровага алоҳида раҳматимни етказинг, жуда долзарб мавзунини кўтарибди”, деганлари ҳамон ёдимизда.

– “Баркамол авлод” ёшларнинг севимли нашрларидан бирига айланган, – дейди Ўзбекистон халқ ўқитувчиси Бўстон Раҳмонова. – Шу нашрда у билан бирга ишлаб, Ойдинопанинг англикча ўчилиги, айниқса, бугунги ёшлар истагини англаш маҳоратига қойил қолардим.

Кўнчак журналистнинг меҳнатлари юксак кадр топди. Президентимиз фармонига кўра, “Ўзбекистонда хизмат кўрсатган журналист” унвони билан тақдирланди.

Кейинчалик Қарши шаҳридаги ўзи истиқомат қилаётган Янги турмуш маҳалла фуқаролар йиғини раиси сифатида фаолият кўрсатган йилларида ўз ташаббуси ва маблағи билан худуддаги ташландик жойда маҳалла идораси биносини бунёд этиб, замонавий мебеллар, ахборот технологиялари воситалари билан жиҳозлади. Бинода, шунингдек, сартарошхона, тикувчилик цехи сингари маиший хизмат шохбачалари фаолияти йўлга қўйилди.

– Ойдиной маърифатли аёл, – дейди маҳалла кайвониларидан бири, Ўзбекистонда хизмат кўрсатган тиббиёт ходими Хушвақт Хуррамов. – Маҳалла зиялиларининг бошини қовуштириб, янги идора биносига кутубхона ташкил этди. Бу эзгу ташаббусга жон-дилимиз

билан бош қўшдик. Чунки мутолаа – азалдан жону дилимиз. Бу хайрли анъаналарни энди ёшларимиз ҳам давом эттиришмоқда.

– Маҳалладошларимиз Ойдин опада ўн йилнинг гайрати бор дейишди, – дейди маҳалла хотин-қизларининг кайвониси Турсунтош Абдиназарова. – Беш йил давомида Ойдин опа маҳалламиз қиёфаси, кўрмига кўрк қўшди. Худудга



ичимлик суви келтириш, кўчаларни асфальт қилиш, кўкаламзорлаштириш, маҳалладошларимиз бандлигини таъминлаш сингари хайрли юмушларга бош бўлди. У жуда маданиятли, камсуқум, кўнчак ва зукко. Бу фазилатларига нотинч оилалардаги муаммоларни ҳал этиш учун борганимизда кўп бора гувоҳ бўлганмиз. Биргина кескир ва ширин гап билан бундай муаммолар жойида ечимини топиб кетаверарди. Қолаверса, бу борада ўзи ибрат бўлишга интилиб яшайди. Маҳаллада унинг ўғил-қизи, келинларига барча ҳавас билан қарайди.

Қарши шаҳрида 2015 йил август ойида вояга етган “Аёллар маслаҳат маркази” фаолиятига асос солинди. Жорий йил бошидан марказ расман жамоат бирлашмаси шаклидаги нодавлат но-тижорат ташкилоти сифатида ўз фаолиятини бошлади. Ҳаёт чиғирқларида толанган Ойдин Аноровани шу марказ раҳбарлигига тайинлашди.

– Хотин-қизлар ўртасида маънавий мухитни соғломлаштириш, уларнинг тиббий саводхонлигини ошириш, қонуний манфаатлари, ҳуқуқ ва эркинликларини ҳимоя қилиш, мураккаб вазиятларда

уларни кўллаб-қувватлаш, оилаларини мустаҳкамлаш, маънавий-мафкуравий хуружлардан асраш марказимизнинг асосий мақсади, – дейди Ойдин опа. – Психолог, ҳуқуқшунос ва шифокорлар билан худудимиздаги хотин-қизларнинг ташвишларини аритиб, муаммоларига биргалликда ечим топишга ҳаракат қилаймиз.

“Аёллар маслаҳат маркази” фаолиятига назар ташлар эканмиз, бу дароҳга мурожаат қилаётган хотин-қизларимиз оилада ва жамият ҳаётида ўз ўрнини топаётганига гувоҳ бўлдик. Ойдин опа эса бу тақдирларнинг барига бирдек меҳр ва дахлдорлик ҳисси билан ёндашди.

...Арзимаган иқир-чиқирлар ҳуфайли

дан ажримгача бўлган муаммолар ташкил этади. Раҳбаримиз Ойдин Анорова ҳар бир мурожаатга ўзига хос кўнчаклик ва талабчанлик билан ёндашди.

– Қишлоқдан келган бир аёлнинг мурожаати барчамизни хайратлангирди, – дейди психолог Лайло Ҳолмонова. – У оилали, икки фарзанднинг онаси экан. Жуда тушқун кайфиятда эди. “Биров бетобликдан ёхуд автохалокат туфайли вафот этганини эшитсам, ваҳимага тушаман. Шу ваҳима туфайли рўзгорга, болаларимга ҳам қарамай қўйдим”, дейди.

Ойдин опаниннинг тавсияси билан руҳий тестлар ўтказдик. Бир неча бор машғулларимизда қатнашгач, бутунлай ўзгарди. Яшшигина хунари бор экан. Ойдин опа унга ёшларга бу борада сабоқ бериши мумкинлигини айтганида қувониб кетди. Ҳозир мутахассислар кўмагида шогирдларига хунар ўргатыпти.

Марказда вилоят хотин-қизлар кўмитаси, Маънавият тарғибот маркази вилоят бўлими, вилоят адлия бошқармаси, республика Саломатлик ва тиббий статистика институти вилоят филиали, вилоят “Оила” илмий-амалий маркази, “Маҳалла” хайрия жамоат фонди ва “Камолот” ёшлар ижтимоий ҳаракати вилоят бўлимлари, вилоят ахборот-кутубхона маркази, Ўзбекистон мусулмонлари идораси вилоят вакилиги билан ҳамкорликда аёллар ҳуқуқ ва манфаатларини муҳофазалаш бора-сида кўллаб хайрли тадбирлар амалга ошириб келиняпти.

– Фаолиятимиз давомида бир нарсага амин бўлдик, – дейди Ойдин Анорова. – Балоғат ёшидаги қизларимизга тўғри йўналиш беришимиз, уларни ҳаётга тайёрлашга эътиборни кучайтиришимиз зарур экан. Бу борада марказимиз қошида улар учун турли тўғараклар машғулоти йўлга қўйилляпти. Қолаверса, хотин-қизлар кўмитаси, бир қатор жамоат ташкилотлари, маҳалла мутасаддилари билан ҳамкорликда хотин-қизлар иштирокида ҳуқуқий, тиббий маданиятни юксалтириш, огохликка даъват мавзулари, турли тадбирлар ташкил этаймиз. Яқинлашиб келаётган хотин-қизлар айёми муносабати билан ҳам бир қатор тадбирларни режалаштирганмиз. Мақсадимиз аёлларимиз қалбига йўл топиш, уларга дарддош, сирдош, маслаҳатдош бўлишдир. Бунинг қалити эса – албатта мулоқотдир. Давлатимиз раҳбари қайта-қайта уқтирганидек, мулоқот бор жойидагина инсон манфаатлари таъминланади. Ўзгариш, янги-ланиш, юксалиш бўлади.

Дилбар КЕНЖАЕВА,
Нуриддин ЭҒАМОВ,
Қашқадарё вилояти

“КҲЙИМ” масъулияти чекланган жамияти жамоаси

ҳар йили бутун дунё миқёсида нишонланадиган Халқаро хотин-қизлар байрами билан мунис ва меҳрибон аёлларимизни, оясингилларимизни чин юракдан муборакбод этади!

Аёлни қадрлаш ва эъзозлаш орқали барчамиз энг аввало уларга бўлган чексиз ҳурмат-эҳтиромимизни изҳор этамиз. Шунингдек, оиламиз тўқинлиги, фарзандаримиз суянчиғи бўлган бу зотларни ҳар қанча улуғласак, шарафласак шунча озлигини ҳам биламиз.

**МУҲТАРАМА ОПА-СИНГИЛЛАР, МУНИС ОНАЖОНЛАР,
БАРЧАНГИЗГА СОҒЛИК-ОМОНЛИК, БАХТ-ИҚБОЛ ТИЛАЙМИЗ!**

Хизматлар лицензияланган



ФАЗО МАЛИКАЛАРИ

Турли спорт мусобақаларига, хизмат сафарига, ўқиш ёки ишлаш учун хорижга отланган киши кўзлаган манзилга тезда етиб бориш мақсадида албатта, ҳаво кемасини танлайди. Бунинг ўзига яраша қулайликлари кўп.

“Ўзбекистон ҳаво йўллари” Миллий авиакомпанияси самолётларига чиққанингизда энг аввало махсус кийимлари ўзига ярашган, очик чеҳрали хушмуомала қизлар эътиборингизни тортади. Уларнинг: “Парвозингиз хайрли бўлсин”, “Яхши кайфият тилаймиз”, дея мулозамат қилиши ҳар бир йўловчининг кайфиятини кўтарди. Гап ким ҳақида бораётганини дарров илгангандирсиз, бу касб эгалари “стюардесса” яъни, борткузатувчилардир.

“Ўзбекистон ҳаво йўллари” Миллий авиакомпанияси Ўзбекистон Республикаси Биринчи Президенти фармониغا асосан 1992 йили 28 январда ташкил этилган. Авиакомпания фаолиятининг асосий мезони – хавфсизлик, ишончлилик ва қулайлик. Ўзбекистон фуқаро авиацияси мустақиллик йилларида мамлакат Президентининг қўллаб-қувватлаши туфайли авиопарки янгиланган, ердаги инфратузилмани модернизация қилиш, миллий авиакомпаниянинг кадрлар салоҳиятини мустаҳкамлаш бўйича кенг қўламли ишларни амалга оширди. Авиакомпаниянинг нафақат самодаги, балки ердаги хизматлари сифати ва хавфсизлигини таъминлаш имкониятини яратди. Ҳозир “Ўзбекистон ҳаво йўллари” Миллий авиакомпаниясида 15 минг нафарга яқин ходим хизмат қилмоқда.

Ўтган йили Ўзбекистонга иккита “Boeing 787 Dreamliner”нинг келтирилгани соҳада катта воқеа бўлди. Узоқ масофага парвоз қиладиган, қулай ва шинам ушбу лайнерлардан Миллий авиакомпаниямиз Мустақил Давлатлар Ҳамдўстлиги ҳудудида биринчилардан бўлиб фойдаланмоқда.

“Boeing 787 Dreamliner” ҳаво кемасида учаётган йўловчилар ўзларини жуда қулай ҳис этадилар, – дейди борткузатувчи Дилрабо Уринбоева. – Ҳаво кемалари барча замонавий ускуналар билан жиҳозланган. Видео-проекторлар орқали бадиий, ҳужжатли фильмлар, мусикий клиплар, мультфильмлар намойиш этилади. Яна бир афзаллиги Boeing самолётларида алоҳида мониторлар мавжуд бўлиб, йўловчи ўзи учун қизиқарли бўлган дастурни танлаши мумкин. Бу монитор орқали самолёт йўналиши ва парвоз ҳақидаги “Air-show” тизими ахбороти кузатилади. Узоқ масофага учадиган

халқаро йўналишларда парвоз чоғида бизнес-класс йўловчилари iPad борт планшетидан бепул фойдаланиши мумкин. Йўловчилар махсус “Sky Shop” журнал каталоги ёрдамида ўзига ёққан маҳсулотни харид қилиш имкониятига эга.

Баъзида биринчи марта парвоз қилган одамларда қўрқув, ваҳима кучли бўлади. Айниқса, кексаларда қон босими кўтарилиши мумкин. Қўрқув натижасида тушқунликка тушади. Уларни манзилларига соғсаломат, хотиржам етиб олиши учун бор маҳоратимизни ишга соламиз.

– Бу соҳада 2014 йилдан бери фаолият юритаман, – дея суҳбатимизга қўшилади Адолат Назарова. – Ҳозир “Ил 114-100”, “Airbus 320” ва “Boeing 767” каби ҳаво кемаларида парвозларни амалга ошираман. Асосий вазифамиз – йўловчилар хавфсизлигини таъминлаш, уларга юқори даражада хизмат кўрсатишдан иборат. Осмонда учиб мўъжизадек туюлади. Бу илк маротаба парвоз қилган кишига қизиқарли бўлиши мумкин. Аммо бу касбнинг ўзига яраша талаб ва машаққатлари бор.

– Ҳаво кемасини ўз уйим-

сирни очсам, парвоздан олдин мен самолёт билан суҳбатлашаман. Тўғри, кимдир уни жонсиз темир-ку, дейиши мумкин. Бизнинг тақдиримиз мана шу темирнинг мўъжизали парвози билан боғлиқ.

Ҳаво кемасида ишлаш – бу юксак масъулият, чуқур билим, вазминлик, энг мураккаб вазиятда ҳам зудлик билан тўғри қарор қабул қилишни талаб этадиган машаққатли меҳнат. Нафақат парвозлар хавфсизлиги ва ҳаво кемаларининг техник соғлиги, балки ёнгина қарши ҳимоя, авария қўтқарув ва тиббий таъминот, бошқа ижтимоий аҳамиятга эга вазифаларни бажариш учувчилар, техниклар ва борткузатувчилар маҳорати ва фидоқорона меҳнатига боғлиқ. Борткузатувчиларнинг ўз ишига нисбатан масъулияти самарасида ҳаво флоти мамлакатимиз фахрига айланмоқда.

Бу касб эгаларини рамзий маънода фазо маликалари, деб аташ мумкин. Чунки бу касб эгалари нозик дидли, талабчан, интизомли, сабр-тоқатли, бардошли ва масъулиятли бўлиши шарт. Борткузатувчи бўлиб етишиш учун аниқ бир ўқув муассасасини битириш талаб этилмайди. Номзод-



га ўхшатаман, – дейди Шаҳноза Эшонқулова. – Самолёт бортидаги йўловчиларни оила аъзоларимдек ҳис этаман. Соҳамизда ҳар бир ходимнинг йўловчилар билан ишлашда ўз услуби бор. Парвоз бошланган дақиқаданоқ эътиборимни кексалар ва ёш болаларга қаратаман. Уларнинг кўзларида қўрқув, юзларида саросимани сезсам, дарҳол тинчлантиришга уринаман. Бунда энг яхши восита – тоза ичимлик суви. Чунки сув нафақат инсонни тинчлантиради, балки кайфиятни кўтариш хусусиятига ҳам эга. Яна сизга касбимиз билан боғлиқ бир

ларни ишга қабул қилиш мақсадида “Ўзбекистон ҳаво йўллари” Миллий авиакомпаниясининг “Борткузатувчи лавозимига номзодларни саралаш ва қабул қилиш йўриқномаси”га асосан “Ўзбекистон ҳаво йўллари” Миллий авиакомпанияси қошидаги “Учувчилар мажмуаси” Давлат унитар корхонаси томонидан танлов эълон қилинади. Ушбу йўриқнома талабларига биноан, номзод Ўзбекистон фуқароси бўлиши ва Тошкент шаҳрида доимий рўйхатда туриши, танлов санасида 18 ёшдан 25 ёшгача бўлиши, ўрта махсус ёки олий маълумотга эга бўлиши керак. Номзоднинг бўйи 157 сантиметрдан 175 сантиметргача ва ўз бўйига яраша оғирлигига эга бўлиши, юз ва тананинг кўзга ташланадиган қисмларида чандиқ ва бошқа камчилар бўлмашлиги лозим. Бундан ташқари, борткузатувчи лавозимига номзод ўзбек, инглиз, рус тилларини пухта ўзлаштирган бўлиши шарт. Номзодларнинг асосий уч тилдан ташқари, бошқа хорижий тиллар бўйича билимлари алоҳида маълумланади. Борткузатувчи лавозимига номзодларнинг география, Ўзбекистон ва жаҳон тарихи, тарихий шахслар ва тарихий обидалар, буюк шоир ва олимлар ҳақидаги билимлари ва умумий дунёқарашига алоҳида аҳамият берилади. Асосий талаблардан бири бу борткузатувчининг соғлиги. Бу соҳада фаолиятини олиб борадиган ҳар бир номзод юқори тиббий кўриқдан ўтиши шарт. Ушбу тиббий кўриқда номзод психолог, не-



вропатолог, терапевт, хирург, окулист, отоларинголог, гинеколог каби мутахассислар кўригидан ва барча юқумли касалликлар учун ҳар хил турдаги таҳлиллардан ўтиши талаб этилади. Борткузатувчи лавозимига номзодига соғлиги бўйича қўйиладиган талаблар доим юқори бўлади. Шу боисдан фаолияти давомидида борткузатувчи тиббиёт мутахассислари томонидан назоратда туради ва ҳар уч ойда тиббий кўриқдан ўтказилади. Ушбу тиббий кўриқдан ўтмаган ёки таҳлиллар яхши чиқмаган ҳолатларда борткузатувчи парвозлардан четлатилади.

“Ўзбекистон ҳаво йўллари” Миллий авиакомпанияси қошидаги “Учувчилар мажмуаси” Давлат унитар корхонаси томонидан эълон қилинган танловдан муваффақиятли ўтган ҳамда парвозларни амалга ошириш учун юқори тиббий комиссиядан рухсат олган номзодлар авиакомпания қошидаги “Ўқув машқ маркази”га қабул қилинади. Ушбу марказда борткузатувчи лавозимига иш фаолиятини олиб бориш учун барча билимлар берилади. Шу жумладан, авиакўтқарув воситалари, авиаҳалокат ҳолатларида қўтқарув чорасини кўриш, ҳаво кемасида йўловчиларга хизмат кўрсатиш, этика ва эстетика каби фанлардан билимга эга бўлишди. “Ўқув машқ маркази”да нафақат назарий билимлар, балки амалий билим ва кўникмалар ҳам бериб борилади. Мисол учун, ҳаво кемаси саҳнида ёнгина чиққанда уни ўчириш, авиаҳалокат чоғида ерга ёки сувга қўниш ҳолатида йўловчилар хавфсизлигини таъминлаш ва қўтқарув чоралари олиб бориш каби кўникмаларга эга бўлишди.

“Ўзбекистон ҳаво йўллари” Миллий авиакомпанияси қошидаги “Ўқув машқ маркази”ни муваффақиятли тамомлаган номзодлар “Ўзбекистон Республикаси Парвозлар хавфсизлигини назорат қилиш давлат инспекцияси” томонидан бериладиган борткузатувчи гувоҳномасига ва биринчи синов парвозларни амалга ошириш ҳуқуқига эга бўладилар. Синов парвозлар борткузатувчи инструктор кузатуви остида амалга оширилади. Синов парвозлардан муваффақиятли ўтган борткузатувчиларга мустақил парвозларни амалга ошириш учун рухсат берилади.

Ўзбекистон Ҳаво йўлларининг самолётларида сизу бизни очик чеҳра билан кутиб, узоқ сафаримиз давомида меҳр ва ғамхўрлик кўрсатаётган қизлар ана шундай машаққатли синовлардан ўтиб, бу касбни эгаллашган. Уларни чин маънода замонамиз қаҳрамонлари дейиш мумкин.

**Бектош ИСМОИЛОВ,
“Оила ва жамият” муҳбири**



Фарҳод ШОМУРОДОВ, халқаро тоифадаги модельер:

Гурунз

ГЎЗАЛЛИКНИНГ БОШ МЕЗОНИ – ОЗОДАЛИК

Ўзбекистон сартарошлар ассоциацияси раиси, халқаро тоифадаги модельер Фарҳод Шомуродов билан, аёл гўзаллиги сири хусусида суҳбатлашдик.



– Фарҳод ака, куни кеча Санкт-Петербург шаҳридан хизмат сафаридан қайтдингиз. Суҳбатимиз аввалида сафар таассуротлари ва ундан кўзланган мақсад хусусида сўзлаб берсангиз.

– 2004 йилдан буён Санкт-Петербург шаҳрида халқаро гўзаллик танлови ўтказилади. Дунёнинг 25 давлатидан мутахассислар келишади. Мен ҳам шу танловнинг ҳайъат аъзосиман. Бу йил мазкур танловда Ўзбекистондан 30 нафар сартарош-стилист йигит катнашди. Улар жуда меҳнаткаш, энг майда деталлардан фойдаланишга ҳам эринишмайди. Мазкур танловда самарқандлик Фаридун Бурхонов ўн та номинациянинг барчасида юқори балл тўплаб, Гран-прини қўлга киритди. Унинг муваффақияти сири шундаки, моделни яхши танлади. Сочнинг ранги, формаси, шакли унга мос тушди. Европача услубга озгина миллийлик, яъни жажжигина соч ўрими қўшиб ҳайратланарли соч турмагини яратди. Ўзимизнинг адрасга бошқа матолар аралаштирилиб, европача либос яратилди. Агар кийим жуда ҳашамдор бўлса, стилистнинг меҳнати кўринмай қолади. Шунинг учун пардоз кийимдан ёрқинроқ бўлиши керак.

Қорақалпоғистоннинг Тўрткўлдидан, Сурхондарёнинг чекка қишлоқларидан йигитлар сим қоқиб, танловларда қатнашса бўладики, деб сўрашади. Уларни пойтахтга чақириб, синаб кўрамайсиз. Қўл ҳаракати эътибор бермайсиз. Бармоқларнинг ишлаши яхши, истеъдоди бўлса, бундай йигитлар маҳоратли стилист бўлиб етишиши мумкин.

– Ҳар қандай ҳусн ички гўзаллик билан йўғрилмас экан, мукамал бўла олмайдими, деган фикрда қандай қарайсиз?

– Ташқи кўриниш одамнинг кўзини, қалбини кувонтиради. Ички дунёси чиройли одам, ташқи дунёсига ҳам албатта, эътибор беради. Иккаласи мужассам бўлса, дунё янада гўзаллашади. Табиатан чиройли одамнинг ички дунёсини тарбияласа бўлади.

Хунук аёллар бўлмайди, ўзига эътибор бермайдиганлари бўлади, деган гап жуда ҳам тўғри. Сочига, пардозига, қоматига кўпроқ эътибор берадиган хотин-қизлар кўп. Лекин мен энг аввало, шахсий гигиенага, тозалликка эътибор қаратишни истардим. Чунки гўзалликнинг бош мезони – озодалик. Мактабларда, боғчаларда, олий ўқув юртиларида болаларни кўпроқ шахсий гигиенага, орасталик, озодаликка ўргатиш керак.

– Оилада эркек ва аёлнинг бир-бирдан кўнгли совшиш, узоклашиши, низоларни, чигал вазиятларни келтириб чиқаради. Бу ҳам қайсидир маънода аёлнинг масъулиятига боғлиқми?..


– Муомаласи чиройли аёл турмуш ўртоғининг кўзига истарали кўринади. Афсус, замонавий аёллар кўпроқ қомати, пардоз, кийинишга эътибор қаратишади. Эрталаб туриб, ойна қаршида соатлаб ўзига оро беради. Эркакнинг кўнглида хотиним менга эътибор бермайди, яхши кўрмайди, кўчага тайёргарлик кўряпти, деган шубҳа уйғонади. Сир эмас, агар эркек бошқа жойда ораста, чиройли, муомалали аёлни кўрса, ҳаваси келади. Оиладаги келишмовчиликларга кўпроқ аёлларнинг эътиборсизлиги сабаб бўлади, деб ўйлайман. Эркак эрталаб ишга қайси кўйлагини кийиб кетяпти, костюми гижим эмасми, туфлиси тозами, энг аввало, шуларга эътибор бериш керак. Агар аёл эрининг кўтарилиб қолган ёқасини, кийимларини меҳр

яшаш яна ҳам қийинлашади.

Гўзаллик салонларида шундай аёлларга ҳам хизмат кўрсатганман. Улар билан иложи борича, чиройли муомалада бўлишга ҳаракат қилардим. Нуқсон бор одамларнинг юраги бизникидан тоза, ички дунёси гўзал, меҳр-оқибати ҳам бизникидан яхшироқ бўлиши мумкин. Уларнинг ҳам қалби бор, севгиси, севилгиси келади. Улар ҳам ишлайди, маош олади, ўзларига етарли маблағлари бўлади. Албатта, ҳар доим ўзига эътибор бериб юрса, кўринишида маълум ижобий ўзгариш бўлади. Мени кечирсинлар-у бўйи паст аёллар иложи борича шим кийишдан воз кечгани маъқул. Чунки шим, калта оёқларни яна ҳам хунук кўрсатади. Туркияга борганимда калта оёғига ёпиштириб шим кийган хотин-қизларга кўзим тушди. Бу одамнинг кайфиятига таъсир қилади. Бировга ҳавас қилиб либос кийишдан олдин ҳар бир аёл тикувчи билан маслаҳатлашгани яхшироқ.

– Тажрибали стилист сифатида ёш сартарошларга қандай маслаҳатлар берган бўлардингиз?

– Сартарошлар кун бўйи тик оёқда туриб ишлайди. Танадаги оғирлик кўпроқ бир оёққа тушиши натижасида қон томirlари бўртиб қолади. Шунинг



учун сартарош оёқларига эътибор бериб, машқлар бажариб туриши керак. Иш жараёнида соч толалари бурун, томоқ орқали ўпкага етиб боради. Ийгирма йил сартарош бўлиб ишлаган одамнинг ўпкасида маълум миқдорда, кўринмайдиган, майда соч толаси ёпишиб қоларкан. Шу боис иложи борича ниқоб кийиб ишлаш керак.

– Мамлакатимизда кечаётган сиёсий жараёнларни кузатиб борасизми? Яқинда Президентимиз Шавкат Мирзиёевнинг “Йўл ҳўжалигини бошқариш тизимини янада такомиллаштириш чора-тадбирлари тўғрисида”ги фармони эълон қилинди. Ижодкор сифатида ушбу фармонга муносабатингиз?

– Албатта кузатиб бораман. Шу юртинг фуқароси сифатида Ватаним тақдирига даҳлдор эканимни ҳис қилиб яшайман. Ҳар бир киши, у қайси соҳада ишлаган, бугун мамлакатимизда кечаётган сиёсий, ижтимоий, иқтисодий соҳадаги ўзгаришларга, ислохотларга бефарқ эмас. Чунки биз шу юртинг бир парчасимиз.

Асли Хоразмликман. Бухоро вилояти билан Қорақалпоғистон республикаси ўртасида Буюк ипак йўли қуриляпти. Утган йили Бухорога борганимда ўша йўлдан ўтдим. Шунча текис, худди ойна устида юргандек бўласиз. Ўзимни самолётда учгандек ҳис этдим. Қишлоқ ва маҳаллалардаги ички йўллар ҳам ана шундай бақувват қурилса, ҳамюртларимиз мамнун бўларди.

Ўзим Учтепа тумани, Изза маҳалласида тураман. Маҳалла оқсоқоли билан маслаҳатлашиб, кўчамизни асфальт қилгандик. Лекин биз қурган йўл кўпга етмай бузилиб кетди. Сабаби, атрофимизда янги уйлар қуриляпти. Кўчамиздан 10-15 тонналик юк машиналари қатнайди. Ёнгинчилик кунлари кўчада юриш қийин.

Шу маънода юқоридаги фармон ҳаммамизни бирдек хурсанд қилди. Энди маҳаллалардаги ички йўлларга ҳам эътибор қаратилса, ажабмас.

– Ўз тақдирингиздан миннатдор-мисиз?

– Иши юришмай қолса ёки оиласида муаммо чиқса, кўпчилик тақдирдан нолийди. Ҳаётдан олган сабогим: энг яхши тарбия бу – МЕҲНАТ. Тақдиримдан жуда миннатдорман.

Илгари эркеклар сартарош эдим. Устозим Людмила Очилованинг тақлифи билан ўтган асрнинг 70-йилларидан бери аёллар сочини ҳам турмаклайман. Кўпчилик аёллар эркек сартарошларга ишонишади. Чунки биз уларга эркек ниғоҳи билаёт қараймиз ва шунга мос услуб яратамиз. Талабалик даврларим кундузи ишлаб, кечки бўлимда таҳсил олган

ман. Эрталабдан мижозларим кўп бўларди. Тушлик қилишга ҳам, кечки овқатни ейишга ҳам вақтим етмасди баъзан. Овқатланишга эътибор бермай, ошқозонни касал қилиб олганман. Юракда ҳам муаммо йўқ эмас. Буларни доволаб, тузатса бўлади, катта хатолар қилишдан худонинг ўзи асрасин.

Бир пайтлар халқаро танловларда қатнашишни истардим. Мана энди Ўзим кўплаб халқаро танловларда ҳайъат аъзосиман. Тўрт нафар фарзандим бор. Ўғлим Фаррух ҳам халқаро танловлар голиби. Бугун унга АҚШ, Италия, Германия каби мамлакатлардан семинар-машгулотлари ўтказиш тақлифи билан чиқияпти. Умида қизим косметолог. Шохрух АҚШнинг Колорадо университети халқаро бизнес факультети талабаси. Кенжатоғим Ирода мактаб ўқувчиси. Турмуш ўртоғим Робияхон ҳам моҳир сартарош. Онасининг сочини турмаклаш, пардозлаш каби ишларни Фаррух ўғлим бажаради. Қасбим билан фахрланаман. Шифокор беморларни доволаса, биз одамларга гўзаллик улашамиз.

Нигора РАҲМОНОВА суҳбатлашди

ЭЪЛОН

Тошкент вилояти Паркент тумани ер кадастри бўлими томонидан 2012 йили Ақромов Аҳдам номига берилган ТАМ 1537256 рақамли ер кадастри гувоҳномаси йўқолганлиги сабабли БЕКОР қилинади.

“НАВОИЙ ИССИҚЛИК ЭЛЕКТР СТАНЦИЯСИ”**АКЦИЯДОРЛИК ЖАМИЯТИ ЖАМОАСИ**

*Нафосат ва гўзаллик байрами
8 март – Халқаро хотин-қизлар
куни муносабати билан барча аёлла-
римизни, опа-сингилларимизни чин
юракдан табриклайди!*



*Аёлни эъозлаш, улуглаш халқимизнинг энг гўзал
қадриятларидан биридир. Шундай эҳтиромга лойиқ
хотин-қизлар билан ҳар қанча
фахрлансак, арзийди. Улар
жамиятимизнинг барча
соҳаларида фидойилик наму-
наларини кўрсатмоқдалар.*

АЙЁМ ҚУТЛУҒ БЎЛСИН, ОПА-СИНГИЛЛАР!

Хизматлар лицензияланган

O'ZBEKYENGILSANOAT
AKSIYADORLIK JAMIYATI

“O'ZBEKYENGILSANOAT”**АКЦИЯДОРЛИК ЖАМИЯТИ ЖАМОАСИ**

*юртимиздаги барча мунис хотин-қизларни муборак
айём билан чин дилдан қутлайди!*

*Аёлга муқаддас дея таъриф берилиши бежиз эмас.
Улар шаънига энг самимий, ширин сўзларимизни,
қутловларимизни ҳар доим изҳор этсак, арзийди.
Гўзал, оқила, меҳрибон, қалби дарё ва яна
юзлаб таъриф тавсифларга арзигулик аёл-
ларимизга байрамона руҳ, шодмонлик ва
саодат тилаймиз.*

БАҲОРИЙ КАЙФИЯТ СИЗЛАРНИ ТАРК ЭТМАСИН!

Хизматлар лицензияланган

Oilavajamiyat
Ижтимоий-
сиёсий,
маънавий-
маърифий
газета

Обуна индекси – 176

МУАССИСЛАР:

Ўзбекистон Хотин-қизлар кўмитаси,
“Болалар ва оилаларни қўллаб-
қувватлаш” ассоциацияси
(Болалар жамғармаси) ва
“Соғлом авлод учун” халқаро
хайрия фонди

Бош муҳаррир: Воҳид Луқмонов

МАНЗИЛИМИЗ:

Тошкент – 100000.
Амир Темур кўчаси
1-тор кўча, 2-уй.

Қабулхона: (факс) 233-28-20,
Котибият: 233-04-35, 234-76-08

E-mail: oilavajamiyat@mail.ru

Web-site: oila-va-jamiyat.uz

Газета 2013 йил 20 мартда Ўзбекистон Матбуот ва
ахборот агентлигида 10-2995 рақами билан рўйхатга
олинган. Буюртма Г – 326. Формати А-3, ҳажми 3 табоқ,
Адади – 9044. Баҳоси келишилган нархда.

Босишга топшириш вақти – 15:00 Топширилди – 15:00

Навбатчи муҳаррир: **О. Жумабоев**
Навбатчи: **У. Адизова**
Мусахҳиҳ: **С. Сайдалимов**
Саҳифаловчи: **А. Маликов**

Газета таҳририят компьютер марказида
терилди ва саҳифаланди

ISSN 2010-7609



772010760007

12 45



IPOTEKA BANK

**“IPOTEKA BANK” АТИБ
жамоаси номидан мамлака-
тимиздаги барча аёлларни,
муҳтарама онахонлари-
миз, оқила ва зукко опа-син-
гилларимизни нафосат ва
гўзаллик айёми билан
табриклаймиз.**

**Сизларнинг меҳрингиз
билан оилаларимиз файзли,
ҳаётимиз чароғон.**

**Барчангизга соғлик, сало-
матлик, оилавий фаровон-
лик тилаймиз.**

**Хонадонингиздан
қут-барака аримасин!**